



ՍՈՎԵՏԱԿԱՆ ՄԻՈՒԹՅՈՒՆՈՒՄ ԳՈՐԾՈՂ ԵԿԵՂԵՑԻՆԵՐԻ ՈՒ ԿՐՈՆԱԿԱՆ ՀԱՐԱՆՎԱՆՈՒԹՅՈՒՆՆԵՐԻ ՊԵՏԵՐԻ ԵՎ ՆԵՐԿԱՑԱՑՈՒՑԻՉՆԵՐԻ ՀԱՎԱՔ ՄՈՍԿՎԱՅԻՆՄ

Սույն թվականի նոյեմբերի 18-ին Մերձ-մոսկովյան Ջագորսկի Ս. Երրորդության-Մեր-գիւսկի վանքում տեղի ունեցավ Սովետական Միությունում գործող Եկեղեցիների ու կրոնական այլ հարանվանությունների պետերի ու ներկայացուցիչների հավաք՝ նվիրված ՍՍՀՄ-ի կրոնական համայնքների անցնող տարվա խաղաղասիրական գործունեությանը: Սույն հավաքին, հանուն Հայ Առաքելական Եկեղեցու, իր բարձր մասնակցությունը բերեց նաև Նորին Սուրբ Օծություն Ս. Ս. Վազգեն Ա Ամենայն Հայոց կաթողիկոսը: Նորին Սուրբ Օծությանը այս առիթով ուղեկցում էր Ադրբեջանի հայոց թեմի առաջնորդ Ս. Անանիա եպս. Արաբաջյանը:

Նոյեմբերի 17-ին, երկուշաբթի օրը, Երեվանի «Զվարթնոց» օդանավակայանում Վեհափառ Հայրապետին բարի ճանապարհ մաղթեց Մայր Աթոռի ողջ միաբանությունը, ի գլուխ ունենալով Մայր Աթոռի Գերագույն Հոգևոր Խորհրդի ատենապետ գերաջնորդ Ս. Սիոն արքեպ. Մանուկյանին:

Նորին Սուրբ Օծությանը ճանապարհելու էր եկել նաև Հայկական ՍՍՀ Մինիստրների Խորհրդին առընթեր Հայ Եկեղեցու գործերի Խորհրդի նախագահ տիար Ստեփան Վարդանյանը, տեղակալներ տիար Ա. Հասրաթյանն ու տիար Ռ. Ջաբգարյանը:

Սույն օրը, կեսօրին, Վեհափառ Հայրապետը ժամանեց Մոսկվայի «Դոմոդեդովո» օդանավակայան, ուր Նորին Սուրբ Օծությանը, հանուն Ռուս Պապական Եկեղեցու, բարիգալստյան ջերմ խոսք ասաց Ռուս Եկեղեցու արտաքին հարաբերությունների բաժնի վարիչի տեղակալ Ս. Իով եպիսկոպոսը:

Օդանավակայանում Հայոց Հայրապետին ողջունեց նաև Նոր Նախիջևանի և Ռուսաս-

տանի հայոց թեմի առաջնորդական տեղապահ Ս. Տիրան վրդ. Կյուրեղյանը:

Նորին Սուրբ Օծությանը բարի գալուստ մաղթելու համար օդանավակայան էր ժամանել ՍՍՀՄ Մինիստրների Խորհրդին առընթեր կրոնական գործերի Խորհրդի ներկայացուցիչ տիար Ս. Կուլենցովը:

Վեհափառ Հայրապետը իր ուղեկիցներով ուղևորվեց Մոսկվա, ուր իջևանեց «Սովետական» հյուրանոցում:

Հաջորդ օրը, նոյեմբերի 18-ին, Նորին Սուրբ Օծությունը, ուղեկցությամբ Ս. Անանիա եպիսկոպոսի և Ս. Տիրան վարդապետի, ճանապարհվեց Ջագորսկ՝ մասնակցելու կրոնական պետերի և հարանվանությանց ներկայացուցիչների հավաքին, որին մասնակցում էին Մոսկվայի և համայն Ռուսիո Պատրիարք Պիմենը, Համայն Վրաստանի Կաթողիկոս-Պատրիարք Իլիա Բ-ը, Միջին Ասիայի և Ղազախստանի, Անդրկովկասի մահմեդական համայնքների, Ավետարանական-բողոքական, բուդդայական և հրեական համայնքների հոգևոր պետերը:

Հավաքը բացեց Մոսկվայի և համայն Ռուսիո Ս. Պիմեն Պատրիարքը: Խոսելով ներկա ժողովի գումարման նպատակների մասին, Նորին Սրբությունը իր գոհունակությունը հայտնեց այն առթիվ, որ ՄԱԿ-ի կողմից հայտարարված խաղաղության տարին՝ 1986 թվականը, իսկապես մեր երկրագնդի համար իր ամբողջական իմաստով եղավ խաղաղ: Այդ բանին մեծապես նպաստեց, նշում է Պիմեն Պատրիարքը, սովետական կառավարության բռնած խաղաղասիրական դիրքը: Ի մասնավորի Նորին Սրբությունը նշեց այն փաստը, որ ՍՍՀՄ-ը մոտ մեկ ու կես տարվա ընթացքում ոչ մեկ

միջոցային փորձարկում չի կատարել երկրի վրա:

Այնուհանդերձ, նշեց Պիմեն Պատրիարքը, աշխարհը դեռ խռովահույզ է:

Ռեկլամիկի հանդիպումից հետո մենք գտնվում ենք դեռևս անորոշ կացության առջև, որով և Ռուս Եկեղեցու գլուխը կոչ արեց բոլոր ներկաներին՝ միացնելու իրենց ջանքերն ու եռանդը խաղաղության պայքարի գործում, որպեսզի երբեք աշխարհի վրա չկախվի ոչնչացման սպառնալիքը:

Տ. Պիմեն Պատրիարքի ողջունի խոսքից հետո խոսքը տրվեց Ամենայն Հայոց կաթողիկոս Տ. Տ. Վազգեն Առաջինին:

Իր հակիրճ և բովանդակալից խոսքում Հայոց Հայրապետը նախ իր գոհունակությունը հայտնեց Պիմեն Պատրիարքի եղբայրական հրավերի համար, քանի որ, ինչպես նշեց Նորին Սուրբ Օծությունը, «Անհրաժեշտ էր իրոք այս հանդիպումը Նոր պարգագումների լույսի տակ, մանավանդ Ռեկլամիկի ժողովից հետո»: Վեհափառ Հայրապետը Ռեկլամիկի բարձր մակարդակի հանդիպումը կարևոր մի հանգրվան նկատեց ոչ միայն սովետա-ամերիկյան հարաբերությունների ճանապարհին, այլ նաև միջազգային կյանքում աշխարհի խաղաղությունը պահպանելու ի խնդիր:

«Ռեկլամիկը,—ասաց Վեհափառ Հայրապետը,—բառ իս վերջապես հաստատեց մանավանդ երկու իրողություն:

ա. որ ընդհանուր պինդաթափումը հնարավոր է և անհրաժեշտ:

բ. որ սովետական մեր կառավարությունը անվիճելիորեն անկեղծ է, համարձակ է, արդար է»:

Վեհափառը հույսով ընդգծեց, որ Սովետական Միության ղեկավարը Ռեկլամիկում և անմիջապես հետո հեռուստացույցից իր հայտարարություններով աշխարհի առաջ հանդես եկավ իբրև մի պետական գործիչ, որ ծանոթրեն ապրում է, տառապում մեր աշխարհի ողբերգությամբ, իբրև հետևանք անսանձ սպառապիսունների, որոնք սպառնում են մեր երկրագնդին ու երկնքին:

Այնուհետև Վեհափառ Հայրապետը հավատարմացրեց բոլոր ներկաներին, որ Հայ Առաքելական Եկեղեցին խաղաղության դատի պաշտպանության հարցերում, ինչպես նաև պինդաթափման և ազդությունների համերաշխ գործակցության խնդիրներում բոլոր Եկեղեցիներին ու կրոնական համայնքների կողքին կաշխատի սրամից հետո ևս կատարել իր պարտքը: Այդ է վկայում արաստաճանաչում գործող հայ գաղութների կամքը, «ուր ավելի քան երկու միլիոն հայեր, իրենց հարյուրավոր եկեղեցիներով, դպրոցներով ու մշակութային, հայրենասի-

րական կապակերպություններով հոգևոր կապված են Ս. Էջմիածնին և մեր մայր հայրենիք Սովետական Հայաստանին»:

Վեհափառ Հայրապետը ներկաներին հակիրճորեն պատմեց արտասահմանի հայ գաղութների ներքին կյանքի մասին, որ նրանք իրենց բոլոր հաղորդակցական միջոցներով (թերթ, շաբաթաթերթ, ամսագիր և այլն) ջերմորեն արձագանքում են Վեհափառ Հայրապետի և Ս. Էջմիածնի հայրենասիրական և խաղաղասիրական գործունեությանը:

Իր խոսքի վերջում Նորին Սուրբ Օծությունը առաջարկեց չգոհանալ ապօրվա ժողովի որոշումներով, այլ հետազարում, Ռուս Պրավոսլավ Եկեղեցու հրավերով, կարգավերպել համաշխարհային մի վեհաժողով, որին կմասնակցեն աշխարհի շատ երկրներից ժամանած հոգևորականներ, և որն, անշուշտ, օգտակար մի ձեռնարկ կհանդիսանա խաղաղության և ժողովուրդների համերաշխ գործակցության ճանապարհին: Վեհափառ Հայրապետի առաջարկը կարևոր արձագանք ունեցավ:

Վազգեն Վեհափառը իր խորին գոհունակությունը և գնահատանքը հայտնեց Հոմիկ Սրբազան Պապի հրավերով Ասիայում համատեղ աղոթքի առթիվ, որին մասնակցել էր Հայ Եկեղեցու անունից Մայր Աթոռի դիվանապետ Ներսես արքեպիսկոպոսը: Այս Նորին Սրբությունը նկատել տվեց, որ Ասիայում իր երեք ձառերի մեջ Սրբազան Քահանայապետը ոչ մի ձևով չէր անդրադարձել Ռեկլամիկի հանդիպումին և արևմտյան ներկայացված սպառապիսունների դադարեցման և ամբողջական պինդաթափման առաջարկներին:

Վեհափառ Հայրապետը ավելացրեց. «Կարելի չէ մեր օրերում խաղաղության մասին խոսել առանց խոսելու պինդաթափման մասին, և թե չի կարելի պինդաթափման մասին խոսել, առանց հիշելու Ռեկլամիկում կատարված պինդաթափման հատակ ու ճշգրիտ առաջարկությունները սովետական կառավարության»:

Նորին Սուրբ Օծությունից հետո խոսք առան հավաքի մի շարք մասնակից-ներկայացուցիչներ (Վրաց Եկեղեցու կաթողիկոս Պատրիարք Իլիա Բ-ը, մասնադական, Ռուս Պրավոսլավ, բուդայական, բողոքական և այլն): Նրանք բոլորն էլ միահամուռ կերպով արտահայտեցին իրենց համայնքների և հավատացյալների կամքը՝ անշեղորեն ժողովելու խաղաղության պաշտպանության սուրբ գործին: Վերջում Պիմեն Պատրիարքի առաջարկով ժողովն ընդունեց աշխարհի կրոնական գործիչներին ուղղված կոչ, որն ավարտվեց հետևյալ արտասույն խոսքերով. «Մենք՝ Սովետական Միության Եկեղեցիներ-

րի և կրոնական համայնքների պետերս ու ներկայացուցիչներս, կոչ ենք անում Ձեզ, սիրելի եղբայրներ ու քույրեր, հետագայում ևս բարձր աստիճանի վրա պահել ժողովուրդների միջև խաղաղության պաշտպանության և ամենասրբական պարզևի՝ կրանքի պահպանման հարցերում Ձեր մտահոգությունն ու Վզոնությունը, աջակցել պետություններին, կրոնական և հասարակական շրջանակներին՝ ընդհանուր և մանավանդ միջուկային ցինաթափման հարցերում, արգելք հանդիսանալ տիեզերական տարածությունը ցինվորական նպատակներով օգտագործելուն, նպաստել միջազգային տարաձայնությունները խաղաղ ճանապարհով լուծելուն:

Մենք կոչ ենք հղում Ձեզ՝ աղոթելու աշխարհի պետությանց ղեկավարների համար, որպեսզի նրանք խմաստությամբ, համբերատարությամբ և առնականորեն հետևեն խաղաղության և արդարության ճանապարհին:

Կոչ ենք հղում համագործակցության՝ ժողովուրդների միջև վախի և անվտանգության արգելքների վերացման և նրանց միջև սերտ գործակցության հաստատման համար՝ ի բարօրություն երկրի վրա բնակվող ամեն մի մարդկային արարածի:

Թող խաղաղասիրության ոգին իջնի մարդկության վրա, թող հաստատվի միջազգային կարգուկանոնն ու անվտանգությունը բոլոր ժողովուրդների և տերությունների հա-

մար, թող բոլոր մարդկանց համար մարդուն վայել ապրելակերպը դառնա իրականություն»:

Նույն օրը ժողովն ավարտեց իր աշխատանքները: Ժողովի ավարտից հետո նրա մասնակիցների պատվին Տ. Պիմեն Պատրիարքի կողմից տրվեց ճաշկերույթ, որին ներկա էր ՍՍՀՄ կրոնական գործերի նախագահի տեղակալ Ե. Միլովանովը:

Նոյեմբերի 20-ին Վեհափառ Հայրապետը Մոսկվայից վերադարձավ Երևան:

Երևանի «Ձվարթնոց» օդանավակայանում Վեհափառ Հայրապետին դիմավորեցին Մայր Աթոռի միաբանությունը և Գերագույն Հոգևոր Խորհրդի անդամները:

Վեհափառ Հայրապետին դիմավորելու էին եկել նաև ՀՍՍՀ Մինիստրների խորհրդին առնթեր Հայ Եկեղեցու գործերի խորհրդի նախագահ տիար Ս. Վարդանյանը և տեղակայներ Ա. Հասրաթյանն ու Ռ. Ջարգարյանը:

Վեհափառ Հայրապետի այցը Մոսկվա, Նրա մասնակցությունը խաղաղության պաշտպանությանը նվիրված սույն ժողովին մեկ անգամ ևս ապացույց հանդիսացավ Նորին Սուրբ Օծության և Ս. Էջմիածնի հայրենասիրական և խաղաղասիրական մեծ գործունեության:

ԱՆԱՆԻԱ ԵՊՍ. ԱՐԱԲԱԶՅԱՆ

